

# **Ang Dalan Sang Kaluwasan**

*Ang bug-os nga kasulatan ginbugna  
sang Dios.*



**SGM International**  
*3 Eccleston Street*  
*London SW1W 9LZ*

Printed in Great Britain

*Ang polong sang Dios buhi kag gamhanan, kag labi pa katalum sa bisan ano nga hinangiban nga duha sing sulab.*

Hebreinhon 4. 12.

*Ang akon polong . . . indi naga balik sa akon nga walay bunga, kondi nagahimo sia sang akon luyag, kag nagapauswag sia sad-tong ginpadala ko sa iya.*

Isaias 55. 11.

*Ang kasaysayan sang imo mga polong nagapawa.*

Salmos 119. 130.

## **Ang Pagtuga Sang Kalibutan.**

Sa ginsuguran gintuga sang Dios ang mga langit kag ang duta.

Genesis 1. 1.

Ang tanan nga mga butang ginhimo niya, kag sa wala sia, wala sing nahimo sang ginhimo.

Juan 1. 3.

## **Ang Pagtuga Sang Tawo.**

Kag gintuga ang tawo sang Dios sa larawan niya ; sa larawan sang Dios gintuga niya sia : lalaki kag babae gintuga niya sila.

Genesis 1. 27.

Kag ginhuman ni Jehoba nga Dios ang tawo sa yab-ok sang duta, kag hinuypan sa iya mga ilong sang gininhawa sang kabuhi, kag ang tawo nanginkalag nga buhi. Kag naghimo si Jehoba nga Dios sing isa ka katamnan sa Eden sa sidlangan ; kag binutang niya didto ang tawo, nga iya nahuman.

Genesis 2. 7, 8.

Ngani, ginkuha ni Jehoba nga Dios ang tawo, kag ginbutang niya sia sa

katamnan sang Eden, agud nga iya ini pagpangumahon kag bantayan. Kag nagsogo sa tawo si Jehoba nga Dios, nga nagasiling: Makaka-on ka sang tanan nga kahoy sang katamnan. Apang sang kahoy nga sa pagkilala sang maayo kag sang malain, dili ka magkaon sa iya; kay sa adlaw nga magkaon ka sa iya, mamatay ka nga totoo.

Genesis 2. 15-17.

### **Ang Pagsulud Sang Sala.**

Apang ang man-ug among malalang labi sa tanan nga mga kasapatan sang latagon, nga ginhimo ni Jehoba nga Dios, kag nagsiling sia sa babae: Gali, nagsiling ang Dios sa inyo: Dili kamo magkaon sang tanan nga kahoy sang katamnan? Kag ang babae nagsabat sa manug: Makakaon kami sang bunga sang kakahoyan sang katamnan; Apang nahanungud sang bunga sang kahoy, nga yara sa tunga sang katamnan, nagsiling ang Dios: Dili kamo magkaon sa iya kag

dili kamo mapatay. Niyan ang man-ug nagsiling sa babae : Dili kamo mamatay nga totoo. Kay nakahibalo ang Dios nga sa adlaw nga magakaon kamo sa iya, magamuluklat ang inyo mga mata, kag manginkaangay sang Dios kamo, nga nakahibalo sang maayo kag sang malain. Kag sang nakita sang babae, nga ang kahoy among maayo nga kaonon, kag makaluluyag sa mga mata, kag kahoy nga tilinguhaan sa pagdangat sing kaalam, nagkuha sia sang iya bunga kag nagkaon ; kag ginhatagan man niya ang iya bana kaupud niya, kag nagkaon sia.

Genesis 3. 1-6.

Niyan si Jehoba nga Dios nagsiling sa babae : Ano bala ang ginhimo mo ? Kag nagsiling ang babae : Ang man-ug nagdaya sa akon, kag nagkaon ako. Kag si Jehoba nga Dios nagsiling sa man-ug : Tungud nga naghimo ikaw sini, manginmalaut ka labi sa tanan nga mga kasapatan, kag labi sa tanan nga kahayupan sang latagon ;

magalakat ka nga nagasaug sang imo tiyan kag magakaon ka sang yabok sa tanan nga adlaw sang imo kabuhi. Kag pagabutangan ko sing kaawayon sa tunga mo kag sang babae, kag sa tunga sang imo kaliwatan kag sang iya kaliwatan. Ini sia magadugmok sang imo olo, kag pagadugmokon mo ang iya tikod. Kag sinilingan niya ang babae : Pagapadamuon ko sing tuman gid ang imo mga kasakit kag ang imo mga pagbusung ; kag magapan-ganak kasakit, kag mangin sa imo bana ang imo handum, kag sia magagahum sa imo. Kag nagsiling sia sa lalaki : Tungud kay gintuman mo ang tingug sang imo asawa, kag nagkaon ka sang kahoy, nga ginsogo ko sa imo, nga nagasiling : Dili ka magkaon sa iya ; manginmalaut ang duta tungud sa imo. Magakaon ka nga may kasakit sa iya sa tanan nga adlaw sang imo kabuhi. Magapatubo sia sa imo sing mga sapinit kag mga gamhon ; kag magakaon ka sang hilamon sang latagon. Sa balhas sang imo nawung

magakaon ikaw sing tinapay, tubtub nga magbalik ka sa duta : kay yabok ka kag sa yabok ikaw magabalik.

Genesis 3. 13-19.

Ang daan nga man-ug, nga ginatawag ang Yawa, kag si Satanas . . . naga-patalang sa bug-os nga kalibutan.

Bugna 12. 9.

Bangud sa isa ka tawo, nagsulud ang sala sa kalibutan, kag tungud sang sala ang kamatayon naglaton sa tanan nga mga tawo, kay ang tanan nakasala.

Roma 5. 12.

### **Ang Pagkamakasala Sang Tawo Sa Atubangan Sang Dios.**

Kita nga tanan nagtalalang subong sang mga obeha, nga ang tagsatagsa naglipas sa iya gid nga dalan.

Isaias 53. 6.

Si Jehoba nagatamud kutub sa mga langit sa mga anak sang mga tawo, sa pagtan-aw kon may iban nga

mahinantupon, nga nagapangita sa Dios. Ang tanan nagtalalang ; nagkadunut sila sing tingub : wala sing may nagahimo sing maayo, bisan isa lamang.

Salmos 14. 2, 3.

Siling sang nasulat, Walay bisan sin-o nga matarung, bisan isa lamang. . . . Ang dalan sang paghidaet wala nila makilala : Walay kahadluk sa Dios sa atubang sang ila mga mata. . . . Ang tanan nagpalakasala, kag nawad-an sila sang himaya sang Dios.

Roma 3. 10, 17, 18, 23.

Apang gintakpan sang kasulatan ang tanan sa idalum sang sala.

Galasia 3. 22.

### **Ang Gugma Sang Dios Sa Tawo.**

Kay ginhigugma sang Dios ang kalibutan, sa bagay nga ginhatag niya ang iya bugtong nga Anak, agud nga ang tanan nga magtoloo sa iya, indi mawala, kondi may pagkabuhi nga walay katapusan.

Juan 3. 16.



Sa sini ginpahayag ang gugma sang Dios sa aton ; nga ginpadala sang Dios ang iya bugtong nga Anak sa kalibutan, agud nga magkalabuhi kita tungud sa iya. Sa sini yara ang gugma : indi nga kita naghigugma sa Dios, kondi nga sia naghigugma sa aton, kag pinadala niya ang iya Anak sa katumbasan sang aton mga sala.

1 Juan 4. 9, 10.

### **Ang Pagkari Sang Anak Sang Dios Sa Kalibutan.**

Polong nga matutum ini, kag takus gid nga pagbatonon sing bugos : Nga si Kristo Jesus nagabut sa kalibutan sa pagluwas sa mga makasasala.

1 Timoteo 1. 15.

Kristo Jesus . . . nanginkaangid sa mga tawo.

Pilipos 2. 5, 7.

Sa kalibutan yadto kag ang kalibutan ginbuhat niya, kag ang kalibutan wala magkilala sa iya.

Juan 1. 10.

## **Ang Iya Pagkatawo.**

Ang pagkatawo ni Jesukristo subung sini. . . . Kag tanan ini nagkahanabu, agud nga matuman ang ginsiling sang Ginoo tungud sang manalagna nga nagsiling: Yari karon, ang ulay magapanamkon kag magaanak sing isa ka anak nga lalaki, kag pagatawgon nila ang iya ngalan nga si Emmanuel, nga kon patpaton, amo: Ang Dios kaupud naton.

Mateo 1. 18, 22, 23.

Kag pagatawgon mo ang iya ngalan nga si Jesus, kay sia magaluwas sa iyang banwa sa ila mga sala.

Mateo 1. 21.

## **Ang Iya Kabuhi Sa Duta.**

Nahanugud kay Jesus nga taga Nasaret, nga kon ano nga paghidhid sang Dios sa iya sang Espiritu Santo kag sang gahum; nga nagapangliburan, nga nagapanghimo sing mga kaayohan, kag nagapangayo sang tanan nga mga

ginumpit sang yawa ; kay ang Dios kaupud niya.

Binuhatan 10. 38.

Kag si Jesus nagpanlugayaw sa tanan nga mga banwa kag mga pamalay, sa pag tudlo didto sa ila mga sinagoga, kag sa pagbantala sang maayong balita sang ginharian, kag nagaayo sia sang tanan nga balatian kag tanan nga kalalat-an sa banwa.

Mateo 9. 35.

Kag nagpalalapit sa iya ang dalagku nga mga piang, mga bulag, mga apa, mga pingkaw, kag iban nga kadam-an, kag pinahamtang nila sila sa tiilan ni Jesus, kag ginayo sila niya.

Mateo 15. 30.

### **Ang Iya Matinumbason Nga Kamatayon.**

Kinahanglan nga ang Anak sang Tawo pagitugyan sa kamut sang mga tawo nga makasasala, kag nga iglansang sia sa kruz.

Lukas 24. 7.

Kag sang nag-alabut sila sa duug nga ginatawag nga isa ka bagol, didto ginlansang nila sia sa krus, . . . Kag si Jesus nag siling : Amay, pagpatawara sila ; kay indi sila nakahibalo sang ila ginahimo.

Lukas 23. 33, 34.

Gintamay sia kag ginpatumbayaan sang mga tawo, lalaki sa mga kasakit kag nakilala sang pagantus. . . . Sa pagkamatuud gindala niya ang aton mga balatian, kag ginpasan niya ang aton mga kasakit ; kag ginkabig naton sia nga ginpilas kag ginbunal sang Dios kag ginpakalisud. Apang sia ginpilasan, bangud sang aton mga pagkamalalison, ginligis bangud sang aton mga kalautan . . . kag sa iya mga pilas may pagkaayo nga sa aton. Kita nga tanan nagtalalang subung sang mga obeha, nga ang tagsatagsa naglipas sa iya gid nga dalan kag si Jehoba nagpasan sa iya sang sala naton nga tanan. . . . Ginsakit sia, kag nagpaubus sia, kag wala magtikab sang iya baba. Subung sang kordero nga

ginadala sa ihawan ; kag subung sang obeha nga apa sa atubangan sang iya mga manugalot, wala magtikab sia sang iya baba. . . . Kag ginbuut ni Jehoba ang pagligis sa iya, ginpahamtang sia niya sa pag antus : kag nga ginisip sia sa tunga sang mga malalison nga amo sia ang nagdala sang sala sang madamu nga mga tawo, kag nagpangamuyo sia tungud sang mga malinapason.

Isaias 53. 3-6, 8, 9, 12.

Si Kristo namatay tungud sa aton mga sala, siling sang mga kasulatan.

1 Korinto 15. 3.

Gani si Jesus nagsiling. . . . Ako amo ang maayo nga bantay sang mga obeha ; ang maayo nga bantay sang mga obeha, nagahatag sang iya kabuhi tungud sang mga obeha. . . . Ako may iban man nga mga obeha, nga indi sini nga puluguhan, nga kinahanglan man nga akon sila pagdalthon kag magapalamati sila sa akon tingug kag manginisa sila ka kabon kag ang isa ka bantay.

Juan 10. 7, 11, 16.

## **Ang Iya Pagkabanhaw Kag Pagkayab Sa Langit.**

Subung sini ang na sulat, kag subung sini ang kinahanglan nga mag antus si Kristo, kag mabanhaw sa mga minatay sa ikatlo ka adlaw, kag nga igbantala sa iya ngalan ang paghinulsul, kag ang bugos nga mga katawohan, sumugud sa Jerusalem.

Lukas 24. 46, 47.

Ini ginhatagan sia, nga mag pahayag sia, indi sa bugos nga banwa kondi sa mga saksi, nga ginpili sang Dios.

Binuhatan 10. 40, 41.

Nga sa ila man nagpahayag sia nga buhi, sa tapus na sia mag antus bangud sa madamu nga mga pagpamatuud, nga mga pahayag sa ila sa sulud sang kapatan ka adlaw, kag nga naga hambal sang mga butang nga nahanungud sa ginharian sang Dios . . . kag sang nakasiling na sia sini, sa nagatalan-aw sa iya, ginbayaw sa ibabaw, kag ang isa ka galum ang nag

baton sa iya mga lawas sa ila mga mata.

Binuhatan 1. 3, 9.

Ang Dios nagpahayag sa unud, ginpakamatarung sia sang Espiritu, nagpakita sa mga manugtunda ; ginwali sia sa tunga sang mga hentil ; gintoohan sia sa kalibutan ; ginbayaw sa kahimayaan.

1 Timoteo 3. 16.

Apang karon si Kristo nabanhaw sa mga minatay, ang panganay sadtong mga nag kalatulog, kay ngani nga tungud sa isa katawo ang kamatayon, tungud man sa isa katawo ang pagkabanhaw sang mga minatay. Kay subung nga kay Adan ang tanan nagkalamatay, subung man kay Kristo ang tanan pagahatagan sing kabuhi.

1 Korinto 15. 20-22.

### **Ang Pa-agi Sang Dios Sa Kaluwasan.**

Ano bala ang dapat ko nga paghimoon, agud mangin naluwas ako ? . . . magtoo

ka sa Ginoong Jesukristo, kag mangin naluwas ka.

Binuhatan 16. 30, 31.

Busa, maghilinulsul, kag maliliso kamo, agud nga pagpamanasun ang inyo mga sala.

Binuhatan 3. 19.

Maghilinulsul kamo kag magpalabaptis ang tagsatagsa sa inyo sa ngalan ni Jesukristo, sa kapatawaran sang mga sala kag maga balaton kamo sang hiyas sang Espiritu Santo.

Binuhatan 2. 38.

Kon igpanuad ta ang aton mga sala, matarung kag matutum sia, agud nga pagpatawaron kita niya sang aton mga sala, kag tinluan kita sang tanan nga kalautan.

1 Juan 1. 9.

Nga kon igtuad mo sang imo baba ang Ginoong Jesus, kag magtoo ka sa imo tagiposoon, nga ang Dios nagabangon sa iya gikan sa mga minatay, manginlinuwas ka. Kay sa tagiposoon ang



tawo nagatoo nga sa katarungan, kag sa baba ang pagtuad ginahimo sa kaluwasan.

Roma 10. 9, 10.

Kay tungud sang bugay nanginlinuwas kamo tungud sa pagtoo, kag ini indi gikan sa inyo, among hatag sang Dios.

Epeso 2. 8.

Kay bisan sino nga mag panawag sang ngalan sang Ginoo, manginlinuwas siya.

Roma 10. 13.

Ang naga kari sa akon, indi ko pagasubolon pagowa.

Juan 6. 37.

Kay ini amo ang kabuhi nga walay katapusan : nga pagkilalahon ka nila, nga isa lamang ka Dios nga matuud, kag si Jesukristo nga imo ginpadala.

Juan 17. 3.

### **Ang Pagtubus Tungud Sa Iya Dugo.**

Apang karon, kay Kristo Jesus, kamo,

nga sang iban nga dagon mga nahalayo,  
ginpapalapit kamo tungud sang dugo ni  
Kristo.

Epeso 2. 13.

Ang dugo ni Jesukristo nga iya Anak,  
nagatinlo sa aton sa tanan nga mga  
sala.

1 Juan 1. 7.

Kay nahamutan sang Amay nga sa iya  
magpuyo ang tanan nga kabugosan ;  
kag sang nahimo niya ang paghidaet  
tungud sang dugo sa iya Krus : tungud  
sa iya, bisan ang mga sa duta, bisan  
ang mga sa langit.

Kolosas 1. 19, 20.

Sa nahibaloan ninyo nga gintubos  
kamo sa walay pulos ninyo mga pan-  
gabuhi indi sa mga butang nga madinu-  
lunton subung sang bulawan, kon  
pilak . . . kondi sang hamili nga Dugo  
ni Kristo.

1 Pedro 1. 18, 19.

Nga sa iya may aton kita sang pagantus  
tungud sang iya dugo, sang kapata-

waran sang aton mga paglapas, siling sang kamanggaran sang iya bugay.

Epeso 1. 7.

Kay ang dugo among nagahimo sang katumbasan sang kalag.

Lebitiko 17. 11.

Kon sinong kay Kristo, bago sia nga pagkabata : ang mga butang nga mga daan nagtalaliwan ; yari karon, ang tanan nagbalago.

2 Korinto 5. 17.

### **Ang Espiritu Santo.**

Kay ako maga ampo sa Amay, kag siya maga hatag sa inyo sing iban nga manuglipay, agud ngamag puyo kaupud ninyo sa gihapon ; ang Espiritu sang kamatooran nga indi sarang mabaton sang kalibutan, kay indi niya makita, bisan makilal-an ; apang kamo makakilala sa iya kay magapabilin sia kaupud ninyo, kag mangin dira siya sa inyo.

Juan 14. 16, 17.

Apang ang manuglipay, ang Espiritu

Santo, nga pagaipadala sang akon Amay sa akon ngalan, naga tudlo sa inyo sang tanan nga mga butang.

Juan 14. 26.

Kag dili ninyo pagpasubuan ang Espiritu Santo sang Dios, nga sa iya pinat-inan kamo nga sa adlaw sang pagtubus.

Epeso 4. 30.

Maggilinawi kamo tungud sa Espiritu, kag indi kamo mag tuman sang hadum sang unud.

Galasia 5. 16.

Kay ang kapidan nga ginapangdala sang Espiritu sang Dios, ini sila among mga Anak sang Dios.

Roma 8. 14.

Magmangin punu kamo sang Espiritu.

Epeso 5. 18.

Apang ang bunga sang Espiritu among gugma, kalipay, paghidaet, pagkama-pinailubon, pagkalolo, pagkaayo, pagtoo, pagkahagup, paggahum sa kaugalingon. Batok sa amo nga mga butang walay kasogoan.

Galasia 5. 22, 23.

## **Pagkabalaan.**

**Kay ang kabubuton sang Dios amo ini ang pagkabalaan ninyo.**

1 Tesalonika 4. 3.

**Pagbalaanon mo sila sa kamatooran ; ang imo polong kamatooran.**

Juan 17. 17.

**Kay ang nagabalaan, bangud sina wala sia sing kahuya sa pagtawag sa ila nga mga utud.**

Hebreinhon 2. 11.

**Amo man mangilala kamo nga mga patay kamo sa sala, apang nga mga buhi kamo nga sa Dios kay Kristo Jesus, nga aton Ginoo.**

Roma 6. 11.

**Apang kamo, sang napangluwas kamo sa sala k y nahimo na nga mga ulipon sang Dios may mga bunga kamo nga sa pagkabalaan, kag ang katapusan ang pag kabuhi nga walay katapusan.**

Roma 6. 22.

Kag ang Dios gid sang paghidaet, mag balaan gid sa inyo sing bugos ; kag pagtipigan ang bugos ninyo nga Espiritu, kag kalag, kag lawas, sa pagkadisalabdongon sa pagkari sang aton Ginoong Jesukristo. Matutum ang nag tawag sa inyo.

1 Tesalonika 5. 23, 24.

### **Pangamuyo.**

Kag bisan ano nga butang nga pag-pangayoon ninyo sa akon ngalan, akon pagahimoon, agud nga ang amay pag himayaon sa Anak. Kon anong pag-pangayoon ninyo sa akon ngalan akon pagahimoon.

Juan 14. 13, 14.

Kon kamo naga palabilin sa akon, kag ang akon nga polong maga palabilin sa inyo, magpalangayo kamo sing bisan ano nga butang nga buut ninyo, kag pagahimoon ini sa inyo.

Juan 15. 7.

Pag palangayo kamo, kag magabaton

kamo, agud nga ang inyo kalipay maghimpit.

Juan 16. 24.

Ang tanan nga mga butang nga pagpangayoon ninyo sa pag pangamuyo, magtoloo kamo nga paga batunon ninyo sila.

Markos 11. 24.

Mag palangamuyo kamo sa bugos nga pag pangamuyo kag pag pakilooy, kag magpululaw kamo sa iya, sa bugos nga pagpadayon kag pagpakilooy tungud sa tanan nga mga balaan.

Epeso 6. 18.

Mag palangamuyo kamo sa walay langan.

1 Tesalonika 5. 17.

### **Pagalagad Kag Pag Antus.**

Niyan si Jesus nagasiling . . . kon sino ang buut magsunud sa akon, magdumili sa iya kaugalingon, kag magpasan sang iya krus, kag magsunud sa akon.

Mateo 16, 24.

**Ang Dios gamhanan sa paghimo sang tanan nga bugay sa pagpabugana sa inyo, agud nga sa masangkap kamo gihapon sa tanan nga mga butang, magbugana kamo sa tanan nga maayo nga buhat.**

**2 Korinto 9. 8.**

**Tungud sini, mga utud ko, nga hinigugma, magpakaligon kamo, mga dimationg, nga magbugana kamo gihapon sa buluhaton sang Ginoo, sa nahibaloan ninyo, nga ang inyo pag-pangabudlay sa Ginoo indi maginwalay pulus.**

**1 Korinto 15. 58.**

**Kay sa inyo ginatugut ni Kristo indi lamang ang pagtoo sa iya, kondi man ang pagantus bangud sa iya.**

**Pilipos 1. 29.**

**Apang kon magantus kamo, bisan pa bangud sa katarungan, mga bulahan kamo. Dili kamo magkalahadluk sang ila kahadluk, kag dili kamo magkalalisang.**

**1 Pedro 3. 14.**



**Kon mga pinapasipalahan kamo sa ngalan ni Kristo, mga bulahan kamo, kag ang Espiritu sang himaya, kag ang iya sang Dios, nagapahuway sa inyo.**

**1 Pedro 4. 14.**

### **Ang Pagsimba Sa Larawan Gina-dumilian Sang Dios.**

**Ako amo si Jehoba nga imo Dios, . . . dili ka maghuput sang liwan nga mga Dios sa atubangan ko. Dili ka maghimo nga sa imo sing larawan nga tinigban, bisan ano nga butang nga kaangay sang didto sa ibabaw sang langit, kon sang diri sa idalum sang duta kon sang yara sa tubig sa idalum sang duta ; Dili ka magyaub sa ila, bisan magsimba ka sa ila ; kag ako si Jehoba nga imo Dios, nga maimon.**

**Eksodo 20. 2-5.**

**Kag ang tanan nga dios sang mga katawohan mga larawan, apang si Jehoba ang naghimo sang mga langit.**

**Salmos 96. 5.**

Nakahibalo kita, nga wala sing larawan sa kalibutan kag wala sing Dios, kondi isa.

1 Korinto 8. 4.

Walay sapayan, sa aton may isa ka Dios, ang Amay, nga sa iya nagikan ang tanan nga mga butang, kag nga kita sa iya ; kag ang isa ka Ginoo si Jesukristo, nga tungud sa iya ang tanan nga mga butang, kag kita tungud sa iya.

1 Korinto 8. 6.

Niyan si Jesus nagsiling. . . . Palayo ka satanas, kay nasulat na : magsimba ka sa imong Ginoong Dios kag sa iya lamang mag alagad ikaw.

Mateo 4. 10.

Ngani pagpakamataya ninyo ang inyo mga bahin nga mga sa duta : pagpakighilawas, pagkamahigko, kailigbon, malain nga kaluyag, kag pagkamainot, nga among kababaylanan ; nga bangud sini nga mga butang ang kaakig sang Dios nagaabut sa mga anak sang pagkadimasinolondon.

Kolosas 3. 5, 6.

## **Ang Katalagman Sang Pagsikway Sang Kaluwasan Sang Dios.**

Ano bala nga pagpalagyo ta, kon wala ta pagsapaka ang isa ka tama ka daku nga kaluwasan ?

Hebreinhon 2. 3.

Ang nagatoo sa Anak, may kabuhi nga walay katapusan ; apang ang wala pagtoo sing matinumanon sa Anak, ini indi makakita sang kabuhi, kondi nga ang kaakig sang Dios nagapabilin sa ibabaw niya.

Juan 3. 36.

Sin-o bala ang nagtudlo sa inyo sa pagpalagyo sa kaakig nga maga abut?

Lukas 3. 7.

Ang mag daug, magapanubli sini nga mga butang ; kag magaamo ako ang iya Dios, kag maga amo sia ang akon Anak. Apang ang mga matalaw, kag ang mga dimatinoohon, kag ang mga makangililad, kag ang mga mamonono, kag ang mga makighilawason, kag ang mga babaylan, kag ang mga diwatahan,

kag ang tanan nga mga butigon,  
manginbahin nila ang linaw, nga  
nagadabdab sing kalayo kag asupre ;  
nga amo ang ikaduha nga kamatayon.

Bugna 21. 7, 8.

### **Kaluwasan Sa Kalainan Kag Sa Kay Satanas.**

Kag ang Dios sang paghidaet magadugmok sa madali kay satanas sa idalum sang inyo mga tiil.

Roma 16. 20.

Nga nagapasalamat sa Amay . . . nga among nagluwas sa aton sa kagamhanan sang mga kadudulman, kag nga nagpasaylo sa aton sa ginharian sang iya hinigugma nga Anak.

Kolosas 1. 12, 13.

Sa sini nga katuyoan ginpahayag ang Anak sang Dios, sa pagbungkag sang mga binuhatan sang yawa.

1 Juan 3. 8.

Aton Ginoong Jesukristo . . . nga nagtugyan sang iya kaugalingon bangud

sang aton mga sala, sa pagluwas niya sa aton sining malain karon nga katuigan, siling sang kabubut-on sang Dios kag Amay naton, nga sa iya ang himaya sa mga tuig sang mga katuigan. Kabay pa.

Galasia 1. 3, 4, 5.

Magsuluklub kamo sang bugos nga hinganiban sang Dios, agud nga sarang kamo makaatubang batok sa mga pagdaya sang yawa.

Epeso 6. 11.

Salamat sa Dios nga nagahatag sa aton sang pagdaug bangud sa aton Ginoong Jesukristo.

1 Korinto 15. 57.

### **Ang Ikaduha Nga Pagkari Ni Kristo.**

Kag kon ako magakadto, kag nakaa-man sa inyo sing hulut, magakari ako liwat, kag pagadalhon ta kamo kaupud gid nakon ; agud nga kon diin ako, didto man kamo.

Juan 14. 3.

Ining Jesus nga ginbayaw sa langit gikan sa inyo, amo man ini ang iya pagbalik, subung nga nakit-an ninyo, nga nagasaka sia sa langit.

Binuhatan 1. 11.

Kay ang amo nga Ginoo, sa isa kapagsinggit, sa isa ka tingug sang punoan sang mga manugtunda, kag sa budyong sang Dios, kag ang mga nagkalamatay kay Kristo magakalabanhaw sing una. Sa olehe kita nga mga buhi nga nagakalabilin, paga-sagmiton kita pa ibabaw sing tingub sa ila sa mga gal-um sa hangin sa pagsugata sa Ginoo; kag sa sini magakaupud kita gihapon sa Ginoo.

1 Tesalonika 4. 16, 17.

Kon magpahayag sia, maginkaangay kita niya, kay makit-an ta subung nga amo sia.

1 Juan 3. 2.

Busa, magpululaw kamo, kay wala ninyo mahibaloi kon san-ong oras nga magakari ang inyo Ginoo. . . . Mag-

kanda man kamo ; kay sa isa ka oras  
nga wala ninyo pagabunahuna-a, maganari  
ang Anak sang Tawo.

Mateo 24. 42, 44.

Yari karon, nga nagakari ako sing  
madali, kag ang akon balus kaupud  
nakon sa paghatag sa tagsatagsa siling  
sang iya binuhatan.

Bugna 22. 12.

Kari-ka, Ginoong Jesus.

Bugna 22. 20.

Ining diotay nga tolon-an may pila lamang ka mga dinalan gikan sa Bala-an nga Kasulatan—ang Polong sang Dios. Kamo ginapangabay sing mainit sa pagangkon kag sa pagbasa sang Kasulatan sa imo kaugalingon kay amo ina ang bugna sang Diosnon nga Kamato-oran.